

Число 6.

Ужгород, 15 марта 1924.

Рочник IV.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходит двараз в мѣсяцъ
каждого 1-го и 15-го.

АДРЕС:
Редакція: Kapitulska ulica 10.
Адміністрація:
Užhorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границю 20 .. К
До Америки..... 1 Д.

ОБЯВЛЕНИЯ
принимаются по п'ять
за 1 сторону .. 200 К
за 1/2 сторону .. 120 К
за 1/4 сторону .. 65 К

О. Августинъ Волошинъ.

Празднуеме. О. Августинъ Волошинъ 18-го марта
обходить 25-рочный ювилей своей публичной дѣятель-
ности, изъ котрого поводу ему вдячный руській народъ
и интелигенція устроють на его честь публичное
святкованя.

Кто бы не зналъ имя о. Авг. Волошина? Кто бы
не зналъ его великѣ заслуги, что онъ черезъ 25 лѣтъ
прилѣжною працею заслуживъ около поднесеня доли
свого любимого руського народа?! Кто бы не зналъ,
что подъ мадярскимъ режимомъ, коли всѣ затайовали
свою руськость, одиноко о. Авг. Волошинъ не падавъ
духомъ и надѣявся, что прийде еще зоря и для угнетен-
теннаго, бѣдного Подкарпатскаго русина... И кто бы
не зналъ, что руськое слово, руську букву, онъ сохра-
нивъ для насъ, что его біблія, его азбука, его Наука
были одинокими чтеніями и одинокими свѣтильниками
въ темной ночи народной несвѣдомости...

И днесь коли грозить зновъ страшна небезпека для
нашого народа, днесь коли не руськость, но что еще
дорожій скарб, нашу душу, нашу вѣру греко-каѳоли-
ческу хотять знищiti непріятелъ..... днесь зновъ о.
Августинъ Волошинъ воює на первомъ фронтѣ въ
оборонѣ прадѣдной вѣры русиновъ. Доки другѣ боязливо
вытяглися изъ подъ обязанности обороны вѣры, доти о.
Августинъ Волошинъ выступивъ противъ дикой товпы
непріятельской цѣлою енергіею и зваливъ на себѣ всю
діявольскую ненависть завзятыхъ схизматиковъ... Одиноко
его газеты, нимъ основанѣ институціи, его политична

Сторона 82.

„БЛАГОВѢСТИК“

Рок 1924.

партія борють ся рѣшительно и беззглядно противъ великої небезпеки грозячої цѣлу нашу єпархію и весь наш любимый народъ. Волошинъ высоко держить бѣлый прапоръ христіянскаго свѣтогляда, и веде до бою всѣхъ свѣдомыхъ русиновъ, которымъ мила христіянска вѣра и котрѣ — якъ потребно — смѣютъ и выступити въ оборонѣ еї.

И се есть головна причина тому, что о. Авг. Волошинъ только непріятелей має. Се есть причина тому, что всякого рода непріятель зговорили ся, постоянно болотомъ обкидати бѣлоснѣжный характеръ сего ревного христіянина священика. Не любить ся онъ никому, кто есть ворогомъ христіянской гр. каѳолической вѣры, ни схизматикамъ, ни безбожникамъ, ни еретикамъ, ни комунистамъ; никому, кому непріемное есть свѣтло Христовой вѣры... Зато такій великій крикъ противъ его особы, зато така ненависть въ таборѣ безбожниковъ, бо знаютъ что о. Волошинъ не спокойить ся, не отступае, не колибае ся, коли розходитъ ся о справѣ христіянской гр. каѳол.-ої вѣры.

Но правѣ за се милый намъ о. Августинъ Волошинъ; правѣ про се сповняєся щиримъ благодареніемъ наше сердце къ Божому Провѣдѣнію, что даровало намъ такого мужа, такого хороброго борця Божіихъ зasadъ въ нынѣшихъ тяжкихъ временахъ.

И днесъ, коли обходиме праздникъ ювилея его 25-лѣтной дѣятельности, торжественно заявиме, что въ борьбѣ противъ непріятелей вѣры руського народа, якъ муръ будеме стоятиколо о. Волошина, и не дивлячи ся на клеветы непріятелей смѣло идеме до бою подъ его прапоромъ въ оборонѣ вѣры нашей.

Жѣлаєме ему отъ Бога всемогущого доста силы, енергіи, здоровля вытримати борьбу до окончательной победы, великодушно зносити подлѣ напады темныхъ вороговъ и торжественно упевняеме его, что доки лишъ свѣдомый гр. каѳ. русинъ буде жити на Подкарпатской Руси, всегда съ наибольшою почестю и най теплѣйшою любовію буде думати на имя о. Августина Волошина.



Наука о вѣрѣ.

§ 6. Пресвята Тройца.

Въ одномъ Бозѣ находяться три особы: Отецъ, Сынъ и Духъ святый; изъ которыхъ кожда особа есть правдивымъ Богомъ. Сія наука выразно находится:

1. такъ въ св. Писанію якъ и св. Преданію. Коли Христосъ пославъ апостоловъ проповѣдати Евангеліе, казавъ имъ: „Шедше оубо научите всѧзыки, крестяще ихъ въ имѧ Отца и Сына и св. Духа“. (Мѳ. 28, 19.) При крещенію Іисуса всѣ три особы Божѣ появилися; Христосъ о себѣ каже: „Ізъ и Отцихъ едино есма“ (Іо. 10, 30) О божествѣ св. Духа свѣдчить св. Петро: „Пианімъ, прочно исполніи сатана сердце твоє солгати Духъ склономъ... не чловѣкъ солгалъ еси, но Богъ“. (Дѣян. Ап. 5, 3. 4). То было и постоянно вѣрою Христової Церкви отъ найдавшіихъ часовъ, котру потомъ торжественно потвердивъ и Никейскій и Константинопольскій соборъ (325 и 380) составленіемъ символа: „Екредю въ единаго Бога Отца... и въ единаго Господа Іисуса Христа Сына Божаго... и въ Духа святаго...“

Въ ветхомъ законѣ еще не было обявлено таинство св. Тройцы. Жидовскій народъ — окруженный политеистами легко могъ бы бывъ впасти въ поганство. Однакожь якѣсь слѣды св. Тройцы находяться уже и въ ветхомъ завѣтѣ. Слова: „Сотворимъ чловѣкка на образъ и подобіе нашое“ могутъ мати значеніе яко pluralis majesticus, або означати тройность Божій особъ.

2. Божественнѣ особы мають одно спольное Божое естество або натуру, слѣдовательно только одно Божое естество, еденъ Богъ есть.

а) Есть розлука межи естествомъ и межи особою. Естество отвѣчає на вопросъ ч то? И означає совокупность

свойствъ и способностей существа. По естествѣ различаются межи собою Богъ, чоловѣкъ, золото, жельзо, вода, дерево и т. д. Напротивъ особы означає все одно самостоятое существо, что владѣе разумомъ, и свободною волею. Отвѣчае на вопросъ: къ то? У Бозѣ одно естество и три особы суть. У людей умножає ся сама тата чоловѣческа натура; у Бога Боже естество зостане однимъ, не раздѣленнымъ межи особами.

б) Сю науку Божого откровенія богословы слѣдующимъ способомъ поясняютъ: Чоловѣкъ може одну мысль сообщати межи больше особами, такъ, что тата мысль зостане цѣлою. Одна мысль може быти сообщенна трьомъ особамъ, и однакожъ мысль не раздѣляє ся. Три особы и одна мысль. Но чоловѣкъ лишь мысль свою може сообщати такъ, что она не раздѣляє ся; но Богъ може и свое Боже естество сообщати (и въ сем состоять таинство), такъ, что оно зостане цѣлымъ межи трьома особами. И такъ може быти одно Боже естество въ трьохъ особахъ.

в). Умомъ похопити таинство св. Тройцы не можемъ. Однакожъ примѣрами изъ природы взятыми (правда дуже несовершеннymi) можемъ близше приступити до таинства св. Тройцы. Примѣры тройчности въ единствѣ суть: сонце мае въ собѣ лучъ, промѣнь, теплоту и свѣтло; времѧ раздѣляє ся на минулое, теперѣшное и будучое; въ просторѣ дслгота, высота и ширина; число 3 есть одно число, но въ немъ находять ся три особиъ числа (одиницѣ).

3. Божественнѣ особы только въ взаимныхъ отношеніяхъ различаютъ ся межи собою; именно въ томъ, что Отецъ есть бѣзначальный, Сынъ родився отъ вѣка отъ Бога, Духъ святый же такожъ отъ вѣка походить отъ Отца и Сына.

Богъ, якъ духъ — подобно до чоловѣческого духа мае два духовнѣ дѣйствія: мыслити и хотѣти. Каждое духовное дѣйствіе мае свой продуктъ; продуктъ мышленія: мысль, т. е. внутрѣшное слово; продуктъ же хотѣнія воли: внутрѣшное одушевленіе т. е. любовь. Коли Богъ мыслить и хоче, занимає ся съ своимъ естествомъ, бо то есть найвысшое и для него найдостойнѣшое для мысленя и хотѣнія. Но коли Богъ на себе думає, сія дѣятельность (и се есть таинство св. Тройцы) мае якусь творячу силу, такъ что продуктъ, резултатъ сего „на себе—мысленя“ Бога есть одна друга Божа особа: Боже Слово = Богъ Сынъ. Коли Богъ познає свое естество въ Сынѣ, возпламенѣ въ немъ любовь къ Сыну; любовь Отца причине любовь Сына къ Отцу и понеже ся взаемна любовь такожъ має творячу силу, обѣ особы сообщаютъ свое Боже естество и повстане третя Божа особа: Духъ святый. Сии отношенія суть вѣчнѣ, бо Богъ никогда не могъ быти безъ „само-познаня“ и безъ любви къ Сыну, слѣдовательно всѣ три особы истину ѿтъ вѣка.

4. Внѣшна дѣятельность Бога у всѣхъ трехъ особъ есть спольна. Что творить Отець, то творить и Сынъ и Духъ святый и взаимно. Однакожъ Богу Отцу якъ безначальному припишеме сотвореніе, Богу Сыну, якъ премудрости Отца откупленіе, Духу святому же якъ походячому изъ взаемной любви Отца и Сына наше посвященіе.

5. Тайна св. Тройцы есть одна изъ головныхъ и найважнѣйшихъ истинъ нашего вѣроисповѣданія. Сю тайну исповѣдуемъ повседневно черезъ перекрещеніе, въ имени св. Тройны крещае насъ священникъ якъ ступилисьме въ животъ: „Крестъ сѧ рабъ Божій, въ імѧ Отца и Сына и ск. Духа“. Въ еѣ имени отпускае св. Мати Церковь наша грѣхи и провини: „Прощаю и разрѣщаю тѧ отъ всѣхъ грѣховъ твоихъ въ імѧ Отца и Сына и ск. Духа“; Имя св. Тройцы буде и послѣднимъ словомъ св. Церкви надъ гробомъ нашимъ: „Печатаєтъ сѧ гробъ сей де втораго пришесткія Христока, въ імѧ Отца и Сына и ск. Духа“. Св. Тройцу прославляе и св. мати Церковь, коли такъ часто повторяе въ публичныхъ богослуженіяхъ славословіе: „Слава Отцѣ и Сынѣ и ск. Духу, и нынѣ и присно и въ вѣкъ вѣковъ. Аминь“.



Нова вѣра.

Было то минувшого рока на праздникъ Сошествія св. Духа, або якъ то на декотрихъ мѣстахъ кажуть на „Русаля“. Около другой години по полудню желѣзница затрималася на одной маленькой станицѣ Т., а изъ купея выступила одна панночка. Як выступила изъ вагону, розглянулася на всѣ боки, и якъ увидѣла село К., куда мала ити, пошла остримъ крокомъ, якъ коли бы ю вѣтеръ носивъ. Идучи такъ до опредѣленого ей села, гдѣ перебывають наши люди, добрѣ греко-каѳолики Русини, стрѣтилася съ одnymъ чоловѣкомъ того села, который такъ само вертався до своего дома. Она ему чесно поздоровкалася: „Дай, Боже, добрий день“, а чоловѣкъ отвѣчавъ: „Дай Боже“. Они уже были передъ селомъ, а хижка сего чоловѣка была на краю села. Чоловѣкъ мавъ добру жену Ганю и шестеро дѣтей. Жена чекала свого мужа, а трое дѣтей коло ней стояло. Одно

тимало въ рукахъ „Благовѣстникъ“, а другое Малу Библію. Якъ панночка побачила въ рукахъ дѣтей „Благовѣстникъ“ започала съ ними слѣдуючу бесѣду: „Я виджу, же вы добре люди и же ваши дѣти ходять до школы и читають. И я вамъ приношу краснѣ книжочки до читаня. Мое имя есть Миссъ Л. Н.

что по нашомъ значить „я панночка Л. Н.“, а званіе мое есть: „путешествуюча мисіонарка“. И не попросила анѣ чоловѣка анѣ его жену, лишень такъ сѣла до нихъ на лавицю, отворила свою торбицу и виняла коло 10 книжочекъ съ надписями: „Другій приходъ Іисуса Христа“, „Блажена надѣя христіановъ“, „Что буде съ нами по смерти“ и т. д. Тіи книжочки поставила на лавицю, и разомъ съ ними одну чудну образкову газетку подъ титуломъ: „Голосъ миру“.

„Ту маєте чистѣ слова Божії, и правдивий духовний кормъ для васъ и для вашихъ дѣтей“ — сказала та панночка.

Як звичайно по недѣляхъ по полуздню люди збираються и сидять передъ хижою и бесѣдують о всякихъ рѣчахъ потребныхъ и не потребныхъ. Понеже на перший день Русалія вѣчерня вже съ Службою Божою откончена, люди цѣле пополудню свободнѣ и для того еще більше ихъ находилося. А особливо ихъ притяговало на то, коли увидѣли передъ домомъ доброго сусѣда Янка незнану панночку. Позбералися передъ домомъ сусѣда Янка и слухали, яку то нову мудрость приносить та панночка. И коли еще почули отъ ней перши слова: „Ту маєте чистѣ слова Божії“ то еще більше слухали, чо то панночка говорить. Сусѣд Янко, котрый мавъ добрѣ око а еще острѣйшій розумъ, вже по природѣ своей не любивъ такѣ языки, котрѣ много хваляться, якъ то робила и чужа панночка. До того и той титулъ той дѣвчины „я путешествуюча місіонерка“ якосъ по лутерански ему выдавався. И онъ острымъ своимъ окомъ поглянувъ на ту „місіонарку“ отъ пяти до головы, а потомъ забравъ одну книжочку и обертає листъ за листомъ. Наразъ увидить на концѣ однай книжочки слова: „Інтернаціональне товариство въ Гамбургу...“ Онъ читавъ вже многи христ.-каѳолическѣ книги и заразъ порозумѣвъ, яку особу має передъ собою. Свои двѣ старшѣ дѣвчатка пославъ до хижи, чтобы имъ та панночка не пошкодила на душі и започавъ передъ людьми съ тою дѣвчиною слѣдуючу бесѣду:

Янко: Дякую вамъ, панночко, за сѣ книжочки. Возмѣть вы то до себе. Мы такихъ книгъ не потребуеме.

Місс. Л.: Але, пане, я вамъ то дармо даю. То праве слово Божіє. А вы знаєте, же слово Божіє оставає на вѣки.

Янко: Такъ есть. Слово Божіє оставає на вѣки, але слово Божіє толкує отъ Господа Бога поставлена учителька, свята Церков каѳолическа! А гдѣ вы маєте на тѣхъ вашихъ книжочкахъ потвержденье церковное? Я того не виджу анѣ на початку анѣ на концѣ вашихъ книгъ. А то кожда духовна книга мусить мати.

Рок 1924.

„БЛАГОВѢСНИК“

Сторона 87.

Мисс. Л.: Ци вы такъ слѣпъ и такъ 'сте рабы Папы и своихъ епископовъ, что имъ больше вѣрите якъ слову Божіому?

Янко: А что думаете, что я буду больше вамъ вѣрити, коли расходиться о словѣ Божіомъ, якъ съ: Отцу Папѣ, котрому Іисусъ Христосъ давъ ключи царства небесного? А и епископовъ поставивъ Духъ Святый, чтобы управляли церквою Божіею.

Мисс. Л.: То вамъ ваши священики такъ наповнили голову? Але они вамъ того не сказали, что съ початку не было анѣ Папы, анѣ епископовъ, анѣ священниковъ, але кожда парохія сама выберала собѣ „старѣйшину и надзирателя“? А ажъ познѣйше тіи зробили касту, котра назвалася клеръ и они започали заповѣдати простымъ людямъ, якъ сами хотѣли,

Янко уже бывъ розпаленый на ту чужу протестантску учительку, але стримався и такъ ей дальше говоривъ.

Янко: Якъ виджу, вы не признаете ясныхъ словъ святого Письма: „Ты еси Петро и на сѣмъ камени созижда Церквю мою, и коута адова не одолїють єй“. Вы не признаете науку святого Павла, о котрой читаеме въ Дѣяніяхъ Апостолскихъ (20, 28), гдѣ бесѣда о епископахъ, котрый Духъ святый поставивъ, чтобы управляли церковю: „Бнимайте очи сеївъ и всемъ стаду, къ немже власи. Духъ святый постаки епископы, пасти Церквю Господа и Бога, аже стражда крекю свою“.

Якъ смѣете такъ гордѣ быти на свое знанье святого Письма, коли онъ такъ ясно каже?

Мисс. Л.: Я не отрицаю, что стоить въ Святомъ Письмѣ. Боже охороњ мене сего грѣха католического Але треба Святое Письмо добре розумѣти.

Янко (мало розгніваний): Панночко, ваше слово о „грѣху каѳолическомъ“ есть тяжкое оскорблениe для нась греко-каѳоликовъ. И поки тіи слова не одозвете, не позволю вамъ дальше говорити...

Мисс. Л.: Прошу, я васъ не хотѣла лично обидити. Але я вамъ можу доказати, что мы, котрѣ празднуеме седмий день, лучше прилѣпляємсѧ до Святого Письма, якъ вы греко-каѳолики.

Янко: Лишень не так скоро, панночко моя. Кто поволи иде, дальше прийде. Вы перескауете изъ одного мѣста святого Письма на другое якъ пташокъ съ конара на конаръ; а нигдѣ не упускаетесь до глубиного толкованя Слова Божого, и сами о себѣ свѣдчите, что вы маєте „даръ толкованя слова Божого“. Я звѣдаюся отъ васъ передъ всѣмъ о то: Ци вы признаете, что по словахъ святого Письма Іисусъ Христосъ основавъ Церквю свою на „Петрови“ на „камени“ — на „скalѣ“, и что тамъ тѣ слова сказавъ Іисусъ Христосъ самому Петру?

Мисс. Л.: Признаваю то але въ смыслѣ Працеркви, або першої церкви.

Янко: Дуже добре. Самое Святое Письмо намъ свѣдчить, якъ уже перша церковь почитала св. Петра якъ голову Церкви

и собора апостоловъ Петра, и то самого Петра, звѣдався Іисусъ Христосъ: „Ци ты любишъ мене больше якъ другъ“. Петру единому сказавъ Іисусъ Христосъ: „Паси овци мои, паси агнцы мои“. Святый Петро уже передъ приходомъ Духа свя-того предложиевъ апостоламъ, чтобы на мѣстѣ Юды предателя, выбрали другого за апостола. Але то зробивъ св. Петро не такъ, якъ то роблять нынѣшнѣ протестанты, калвіны, англиканы суботники и не знаю як еще тамъ называются, котрѣ ся от-дѣлили отъ Церкви Христовой. Перша Церковь не такъ выбе-рала собѣ настоятельовъ, якъ вы и протестанты робите, же бы ихъ познѣйше могла и одогнати по своей власти, съ котрою ихъ выбрала. Въ першої главѣ „Дѣяній Апостолскихъ“ читаеме, якъ апостолы разомъ съ вѣрниками подъ предсѣдательствомъ Петровымъ помолилися Господу Богу говорячи: „Ты, Господи, сердце свѣдче всѣхъ, покажи єгоже избралъ еси отъ сю двою єдиного пріати жрецій слѹженій сего и апостольства, изъ него же испаде Іуда, ити въ мѣсто свое.“. Ци не ясно говорять тіи слова кождому чоловѣкови, котрый має здоровий розумъ?

Мисс. Л. Пане Янко! Виджу, что вы читаете святое Письмо. Але еще разъ вамъ кажу, что святое Письмо такъ треба розумѣти, якъ его розумѣла Працерковъ — Церковь першихъ вѣковъ, а не якъ вамъ теперь толкуютъ ваши священики, епископы и нашъ Папа. Въ святомъ Письмѣ ясно стоить, что треба праздно-вati седмий день тиждня, то есть суботу, якъ что мы празднуеме, а не недѣлю. Ци не такъ каже святое Письмо?

Она отворила святое Письмо Старого Завѣта и започала и имъ читати першу главу о сотвореню свѣтла и отпочинку Божомъ, потомъ другъ мѣста Старого Завѣта.

(Дале буде).

ВСЯЧИНА

Страшное нещастя въ Франціи при Лурдѣ. Всѣ великѣ новинки сего свѣтла недавно писали о великомъ не-щастѣ, которое случилося при Лурдѣ. Лурдъ есть днесъ най-славнѣйшое мѣсто на свѣтѣ, гдѣ кождого року по отвѣтованю Пренепорочной Дѣвѣ Марії, — котра тамъ з'явилася передъ 60 роками — дѣються великѣ чудеса. До Лурду приходять кождого року до 100.000 людей изъ самой Франціи, а кремъ того не мень-шое число изъ другихъ земель. Изъ Франціи въ мѣсяцѣ августа ко-ждого року приходять поїзды, котрѣ возять самыхъ хворыхъ, которыхъ лѣкари напустили якъ невылѣчимыхъ. Въ Лурдѣ находить-ся одна канцелларія, въ котрой лѣкари изъ цѣлого свѣтла пере-

глянут кождого хворого, котрый туда прийде перед выздоровлением и если му Мати Божа выпросить ласку выздоровления, то и по выздоровленю. На мѣстѣ, где з'явилася Пренепорочна Дѣва Марія, показалося великое жерело потока, котрый теперь сильно тече. В той водѣ купаются хвори и премноги находять там выздоровленье.

В послѣдних роках по отвѣтovanю Пренепорочной дѣються чудеса и без купаня и то на процесіѣ с Найсвятѣйшими Тайнами. Перед великою и прекрасною церковью в Лурдѣ находится великий простор: на сем просторѣ лежать на кочиках безчисленѣ хворы из всѣх сторон свѣта, коли процесія там перѣходитъ. Всѣ вѣрники повнѣ живой вѣры моляться наголос: „Іисусе, Сыне Давидов, помилуй нас“. „Іисусе, мы всѣ живо вѣруєме, же Ты находишся в найсвятѣйшій Евхаристії. Ты можешъ хворыхъ выздоровити. Помож им!“ Такѣ и подобнѣ слова но тихо говорять и хворы, бо не могутъ голосно. Епископъ, котрый носить Найсвятѣйшѣ Тайны, иде од одного хворого до другого и кождого благословляє. И наразъ двигаєся оден або другій съвѣтного кочика, ставае на ноги, на котрихъ вже не ходив роки и роки.

„Іисус мене выздоровив по отвѣтovanю Пренепорочной, Слава Іисусу Христу“, промовляє, а изъ тысячи уст: „Слава, слава Іисусу и Маріи“ одзвонюєся по всѣхъ сторонахъ голосъ тысяч и тысячъ людей. Чоловѣкъ одходить до канцелларіи и тамъ его лѣкари переглядають и точну записницю о выздоровленю напишути.

Такъ то бывае вже роки и роки. До Лурду приходять люди изъ цѣлого свѣта. Одни приходятъ, чтобы отримали ласку Божію, а други безъ вѣры приходятъ, чтобы смѣятися з Бога и Матери Божої.

Такъ трафилося и минувшого року. На одномъ авто ишло до Лурду 25 протестантовъ изъ Голандіи. Вождъ того паломницства бывъ д-р Клеркъ з Дотрента, редакторъ новинки „Протестант“. Онъ въ своихъ новинкахъ страшно ругавъ Мать Божу и высмѣховавъ чудеса въ Лурдѣ. Въ своихъ новинкахъ напередъ оголосивъ, же въ самомъ Лурдѣ открыте цыганство о чудесахъ лурдскихъ“. Але еще раньше якъ ступивъ на ту посвящену землю, закликавъ его Господь разомъ зъ всѣми подорожниками, котрѣ зъ ненависти на Пренепорочну Дѣву Марію приключилися къ нему. А якъ то было, послухайте. Подорожники на автѣ вже были близко од Лурда. Наразъ шофферъ, котрый провадивъ авто, побачивъ при одномъ поворотѣ на серединѣ дороги одну шалену жену. Онъ хотѣвъ ту жену обойти, але въ той часъ поваливъ авто до глубины въ 70 метровъ. Всѣ подорожники были на куски потерганы. Зоставъ лишенъ оденъ живыи, тяжко зраненый.

Безбожнѣ новинки зъ початку писали, же то были подорожники, котрѣ ишли на почесть Матери Божої до Лурду. Але позднѣйше точно описано, якое то было паломницство и зъ якимъ намѣренiemъ ишло до Лурду.

Читателю! Добре памятайме: „Бог есть довготерпелив и многомилостив“. Але, если Господь мусить деколи безбожника карати на сем свѣтѣ, то та кара дуже страшна. Страшною карою загинув Юда, Нерон, Декій, Діоклещанци всѣ римскѣ цари, котрѣ прогонили христіянство. Страшною смертю погибали и погибають всѣ тѣ, котрѣ двигнуть руку свою против Бога, против Матери Божой, або против св. Церкви. Святое Письмо каже страшнѣ слова за кождого, котрый не иде дорогою Божою:

„Страшно есть власті въ руки Бога живого!“

Для того, будьте всѣ добрыми христіянами грекокатоликами! Горячо почитайме: Пресвяту, Пречисту, Преблагословену и Пренепорочну Дѣву Марію!

Почитатель Пренепорочной Дѣви Марії.

Небесный привѣт. Оден священик повѣдає слѣдуючій случай свой: Одного дня закликали мене до одной бѣдной старушки, чтобы ю высповѣдати и приготовити на смерть з тайною єлѣопомазанія. Я все окончив, як то Церков росказує. Скорше, як оставил ём убогу старушку, звѣдав ём ся єще однай: ци маєте єще даякое жаданье на своем сердцѣ? А она на то отвѣчала: Всечестнѣйшій отче! Вы нас всегда учили, что маєме одно другому здравкати з словами: „Слава Іисусу Христу“. Ци так и в небѣ здравкають? Прошу менѣ то сказати, чтобы я знала, як там треба поздравкати.

„О, поздравкайте лишень так и в небѣ“, сказав ем той доброй сиротѣ, котра ледва чекала час, коли переселится до вѣчности, а цѣлое небо вам отвѣтит: „На вѣки. Аминь“.

То есть *небесный привѣт*.

Читатель! Всегда и всюди здравкайте еден другому „Слава Іисусу Христу“, а одздравкуйте: „На вѣки. Аминь“.

Бѣлый лист папѣра. Славный Бухенан быв в своей молодости гордый и ничего не думав на свою душу.

В своих книгах приписуе он перши свої спасоносны гадки розмовѣ з одним простым селянином. Селянин звѣдався од него: „Пане, а якой вы вѣры?“ „Жадной“ отвѣчав Бухенан в своей молодячої гордости. „Что касается вѣры, то я *бѣлый лист папѣра*“. Селянин на то дуже мудро отвѣчав: „Мой дорогій пане, если вы так думаете, то я вам совѣтую, чтобы стѣ на сей бѣлый лист папѣра скоро написали имя Господа Бога, поки діавол не напишє там свое имя“.

„Тїи слова“, каже Бухенан, „ударили мене до сердця. Я започав роздумовати и так долго ем роздумовав, поки не знайшов'ем мир души моїй у святой каѳолической вѣрѣ“.

Читателю! Запиши и ты на свое сердце: я ем греко-каѳолической вѣры, котру буду перед всѣми исповѣдати, за котру буду жити и в котрой хочу умерати!

В правый час, або поука матери. Оден наш священик оповѣдає слѣдуючое:

Одного пополудня ишов' ем на поле, чтобы набрати мало силы на дальшу працу, котру я маю як катихит в середных школах. Край дороги увидѣв' ем малу дитину, як бавится, а маю дальше матерь сей дѣтины на роботѣ на полю. Дѣтина без страху приблизилася до мене и своими красными очами так смотрѣла на мене, як на давногого уже знакомого.

„Дѣтино моя“ звѣдав' ем ся од малого хлопця, ци знаєш ты уже перехреститися?“ Хлопец насмѣявся, але ничего не сказав. Мати чула мой вопрос и каже менъ: „Отче, звѣдайтесь от него чось из катихизму, а он вам дастъ отвѣт“. И так было. Дѣтина красно отвѣчала на вопросы о головных правдах нашей святой вѣры. Лѣпше отвѣчала як многѣ интелигенты наши. „Сколько лѣт має сей ваш сынок“ — звѣдав ем ся од потѣшеной матери, котра уважно слухала як дѣтина отвѣчала на вопросы. „Має 5 лѣт, одповѣла жена. „А як'стє го могли всюко так научити!“ „Ах, отче, попробовала, а добрий Бог поблагословив. Коли мой малый сидить менъ на крылу, коли его облекаю, коли му даваю ѿсти, або инакши, коли маю час, я му сповѣдаю то, что сама перечитаю в Біблії и что сама знаю о милом Бозѣ и о правдах нашей святой вѣры. То частѣйше выкладаю, а потом он менъ то приповѣдае и так мало помало научится“.

Рускѣ матери! Попробуйте и вы то: Не пожалуете анѣ вы, анѣ ваши милѣ дѣточки.

Апостолска подорожъ Его Преосвященства Епископа Пряшевскаго.

Въ Карпатахъ не далеко отъ границѣ Галицкой есть одно милое село; именемъ Ястребъ, гдѣ скромно и спокойно живутъ честнѣ а побожнѣ рускѣ люде, служаще Господу. Чтобъ въ вѣрѣ Христовой освѣжали и утвердилися, держанѣ были св. миссії въ церквѣ Ястребской. На общу жадость вѣрниковъ Его Преосвященство Епископъ Пряшевскій охотно обѣцявшися прийти въ Ястребъ, а св. миссію докончiti.

Дня 21-го фебруаря поѣздомъ рушився Владыка въ дорогу съ о. Іоанномъ Коротнокій клирошаниномъ, Андреемъ Годермарскій, и Дезидеріемъ Шудихъ богословами. Въ Липянахъ при пѣнію школьнѣхъ дѣтей изъ Дячова подъ проводомъ пѣвцоучителя Н. Молчана ставъ поѣздъ и привитавъ Его красными словами Маго. Е. Шолтисъ лат. обр. деканъ собора Липянскаго, яко ревнаго Апостола той св. Уніѣ, на котру днесъ такъ многократно нападаютъ. Привитавъ Его еще п. др. Е. Бада окр. начальникъ, І. Феньвешъ окр. нотарь, староста села и мнози вѣрники изъ Дячова а Липянъ. На дорозѣ и въ Липянахъ приключилися на поѣздъ къ Его Преосвященству о. Феодоръ Ройковичъ деканъ изъ Луцины, Маго. Е. Шолтисъ деканъ изъ П.

Новейвсъ, о. Емиліянъ Жеденъ изъ Дячова, о. Димитрій Петренко изъ Олшавиць, п. Е. Бада окр. начальникъ, п. І. Феньвець окр. нотарь.

Въ Пустом-Полю о $\frac{1}{2}$ 10 годинъ привитавъ Его настоятель станицъ, о. Яковъ Миллій деканъ собора Попрадского, и о. А. Чисарикъ изъ Баъровецъ. Идуше въ Ястrebъ сперва постѣтивъ Владыка приходъ Кіовъ. Процесія Кіовска чекала Его на концѣ села а въ дверяхъ церкви сердечно витавъ Его о. Яковъ Миллій. Владыка откончивъ молебенъ и возбуждавъ въ церквѣ всѣхъ присутствующихъ върниковъ. Въ апостолскихъ словахъ Его нашли науку, отцы, матери и дѣти къ истинному христіянскому животу. Постѣтивъ и школу; съ каждымъ ласково бесѣдовавъ и приобрѣвъ себѣ любовъ върниковъ, и можно подумати съ якою радостю а любовю бывъ пріятый въ домъ ново выименованаго декана о. Я. Миллія.

О 2-ой годинѣ Его Преосвященство рушився изъ Кіова въ Ястrebъ. Извѣдше изъ Кіова даже до села въ стрѣчу пришла красна бандерія Ястrebска. Прекрасный видъ бывъ, якъ богато украшены хлопци ястrebски смѣло въ передъ бѣгали на красныхъ коняхъ, якбы къ нимъ пригвозденны были. Пришедше въ Ястrebъ всѣ върники витали Владыку, и тамъ была указана истинна любовъ отъ добрыхъ върниковъ къ любимому Архипастырю. Тамошнього приходника мала дѣвушка Мартуся съ поздравленіемъ подала букету, друга дѣвушки изъ села въ имени школныхъ дѣтей, двѣ виталиего съ хлѣбомъ и солею, староста жъ въ имени села. О. Трчка міссіонарь въ красныхъ словахъ витавъ Его; тамъ были еще: о. Некула міссіонарь, о. Н. Ладишинскій изъ Матисовы, о. Є. Келлій изъ Уяка.

Въ дверяхъ церкви витавъ Владыку о. Михаиль Сейкель тамошній приходникъ яко благодарный сынъ Отца своего. По отконченію молебена науку мавъ къ вѣрнымъ и каждое слово Его яко доброе зерно въ землю благу въ сердца вѣрныхъ пало. О $\frac{1}{2}$ 6-ой годинѣ вечеромъ Владыка откончивъ молебенъ къ Пресв. Богородицѣ, въ церкви цѣлкомъ върниками наполненої.

Дня 22-го фебруаря рано о 6-ой годинѣ Владыка уже сповѣдавъ вѣрныхъ до служби архіерейской. Сама Архіерейска Литургія импозантна была, и вѣрни наслаждалися превосходными отправами, и съ несказанною побожностю приходили къ св. престолу, чтобы изъ рукъ Его Преосвященства причащалися. Въ гостепріемномъ домѣ тамошняго приходника Владыка гратуловав о. Сейкелю къ превосходному душевному успѣху, и возбуждавъ тамъ притомныхъ душпаstryрей, чтобъ и они съ вѣрными своими такъ трудили ся.

О 3-ой годинѣ послѣ обѣда поблагословивъ Владыка три раменныи міссійный крестъ, который съ великою толпою народа торжественно 3-разъ несли около церкви. По закопанію св. креста (передъ дверьми церкви) о. Трчка міссіонарь мавъ послѣдно проповѣдь въ церкви. По торжественному нѣнію „Слава въ вышнѣхъ Богу“ о. Сейкель сердечными словами въ имени

своемъ и въ имени вѣрныхъ подяковавъ Его Преосвященству за маску и любовь яко такому пастырю, который душу свою по-лагает за овцы, что пришевъ вѣрниковъ утѣшити, и укрѣпiti въ вѣрѣ. Подяковавъ отцамъ миссіонарямъ, же показали вѣрнымъ дорогу ведущу къ спасенію. На слова тѣ Владыка возбуждавъ вѣрниковъ, чтобы были вѣрны къ Церкви каѳол.-ой, чтобы питали, училися, родители абы воспитали дѣти свои въ вѣрѣ, чтобы любили „свое“ и давъ Апостолское благословеніе на всѣхъ; и такъ св. миссії скончилися. Претронуты вѣрники же съ благодатю Божію и въ знакъ любви своей къ вѣрѣ каѳолической съ слезами въ очахъ розицілися.

Дня 23-го фебруаря Владыка по отконченію службы Божій въ науцѣ своей на вѣрниковъ ястребскихъ яко на добрый виноградъ просивъ благословеніе отъ Господа: „Господи, Господи, благослови виноградъ сей, иже насади десница Твоя...“. По службѣ дозналися люде, что Владыка вчера по благословенію миссійного креста, уже темнымъ вечеромъ посѣтивъ нѣсколько селянъ; то таку горячу лѣбовь возбудило въ сердцахъ къ народу приятному Епископу, что когда сердечно отрпащався отъ вѣрныхъ и въ память того красного дня образки Пр. Дѣвы дававъ, каждый хоть одежды Его коснутися хотѣвъ, и десницу Его поцѣловати; и когда передъ Владыкою вышла изъ села бандерія, съ слезами въ очахъ довго стояла еще на дорозѣ изъ вѣрныхъ людей состояща процесія, поки послѣднѣ саны за гору не зайшли.

При Пустомъ-Полю пришла въ стрѣчу Его Преосвященству процесія изъ Кіова. О. Яковъ Миллій деканъ попрощався въ имени всѣхъ вѣрниковъ. На стаціѣ Владыка довго забавився съ дѣтьми Кіовскими, раздававъ образки въ память и при голосахъ „многая лѣта“ поѣздъ рушився въ Пряшевъ.

Утѣшительно было и для насть тамъ притомныхъ священниковъ, ибо видѣли мы вѣрниками любезное пріятіе нашего Архипастыря, укрѣпленіе вѣрниковъ въ вѣрѣ, воплощеніе истинной взаимной любови, радость тыхъ людей у которыхъ Владыка чрезъ 2 дни такъ радъ перебывъ; а триумфальна подорожъ Его наї буде намъ возбужденіемъ къ дальнѣй дѣятельности душпастырской. Незабвенны были тѣ два дни и для вѣрныхъ якъ воскликнула една устарѣла жена съ слезами: „О Боже! щи дожіюся еще такого дня.“

о. Димитрій Петренко.

НОВОСТИ

Переходы на вѣру католическу в Англіи сдня изъ день зростають. Наученійши люди англ. катол. сеѧя и духови читаютъ, студують и видятъ, же лучше и правильнее католическая есть церковь Христовою. Переходъ

вѣру католическу, хотай для того мусять зносити велику жертву. Недавно тому приступив до церкви Христовой оден з найславнѣйших англиканских писателей, по имени Chesterson. Новинки цѣлого свѣта пишуть о том чоловѣку Chesterson написав красну книгу, в которой доказуе, же є едини католическая церков права Христова церков. Она учитъ науку Іисуса Христа и для того треба всѣм с нею соединити ся.

Исторійскій писатель англіец Іларій Беллок трамав бесѣду в Кардифу перед великим числом университетских учеников. Он каже, же Европа с дня на день все больше и больше нахиляє ся до католической церкви. Протикатолическая пропаганда в декотрыхъ новых штатах (Чехословакія и т. д.) живе то лишень на чась, бо там ще вѣсъ вре... Новое поколѣння же буде за Церков Христову. Главна тому причина есть в том, каже Беллоц, же загинув протестантизм, который провадив политику послѣднихъ часов, а с нимъ и борьба против католической церкви.

Так пишуть ученѣ люди а у нас думають шизматики знищiti церков Христову. Но „И враги адovi не одолѣютъ ей“.

— В послѣдныхъ годинах досталисме вѣсть, что Св. Отець выименовав о. ВАСИЛІЯ ТАКАЧА за епископа Американскихъ Русиновъ На многая лѣта. В слѣдующомъ нумерѣ обширнѣйше.

— Новый календар в Югославії. „Православна рада“ Югославіи приняла реформу календаря и признала право повдовѣлымъ священникамъ наново женитися. Еднако з переведеньемъ сеѧ „реформы“ в дѣло, будуть чекати дотѣ, поки „православнѣ“ церкви иншихъ державъ не рѣшать в сей справѣ. При томъ сербскѣ газеты (Застава, Весник) нападаютъ на россійское эмиграційное духовенство, которое агитуе в Югославіи против нового календаря. Пишется тамъ: „не можно згодитися на се,

чтобы тѣ правили нашою державою и церковю, котрѣ запростили свою державу и свою церков!“ Что скажутъ на сю критику нашѣ кривославники-русофилы?

— Неважнѣ супружества. Ческое правительство выдало разпоряженіе, что всѣ вѣрники ч.-сковенской церкви (схизматицкой) котрѣ ступили на супружество по перевороту, але еще перед законнымъ установленіемъ ихъ церковной громады, мають появити ся передъ своими духовниками с двома свѣдѣками и зновъ повѣнчatisя и зложити божбу супружескую (Дѣл. с. 53). В смыслѣ сего разпоряженія также у нас всѣ дотеперѣшнѣ супружества схизматиковъ суть неважными не только перед церковнымъ, але и передъ свѣтскимъ судомъ; бо они ани не выступили законно, ани не суть зорганизованѣ в смыслѣ законовъ.

Рок' 1924.

„БЛАГОВѢСТНИК“

Сторона 95.

— Короткѣ вѣсти. Турки на засѣданію парламента съ большинствомъ голосовъ рѣшили усунуть (скасовать) найвысшое церковное достоинство, калифат, что до теперь носив турецкій султан. — Въ Америцѣ рожнѣ протестантскѣ секты (ереси) зобрали на бой противъ кафтол. церкви подъ 5 роками 1320 міліоновъ долларовъ (46.530 мил. Кч.) — Еоисконы въ Словенскомъ запретили своимъ священникамъ ступити въ товариство Сокол. — Сѣрбска церковь греко-восточна по примѣру грецкой-константинопольской приняла новый календарь и уже сего року вѣдно будуть праздновати Великденъ съ римо католиками 20-го апрѣля (Lid. listy).


СОДЕРЖАНИЕ.

О. АВГУСТИНЪ ВОЛОШИНЪ. — ВЪРА. Наука о вѣрѣ. — БЕСЬДА. Нова вѣра. — ВСЯЧИНА. — АПОСТОЛЬСКА ПОДОРОЖЬ ЕГО ПРЕОСВЯЩЕНСТВА ЕПИСКОПА ПРЯШЕВСКОГО. — НОВОСТИ. — КОРОТКѢ ВѢСТИ.

РЕДАКТОР-ИЗДАТЕЛЬ:
АВГУСТИН ВОЛОШИН.


ОТВѢЧАТЕЛЬНЫЙ РЕДАКТОР
ЕМИЛІАН БОНШАЙ.

КОГУТ и ГОРЕИ
УЖГОРОД, РАКОЦІЯ ул. ч. 11.




Много признань, похвальныхъ листовъ и подяк. За
належите выполнено и мілый звук звоновъ повна
запорука.
„СВОЙ ДО СВОГО“. „СВОЙ ДО СВОГО“.

ЦЕРКОВНЪ
ПРЕДМЕТЫ
як: кресты, свѣчники,
образы до ношения
и т. д.



Принимає до золочення нашѣ и
обновляє всякѣ инишѣ церковнѣ
предметы. Купуйте за тунѣ грошѣ
лем у руськоѣ фирмѣ.

СУКНА А МОДНЪ МАТЕРІЯЛЫ,



панскъ и дамскъ уніформовъ, тканини,
церковнъ сукна, готовъ реверанды, сти-
хары и ожеи долась Вам найдуше
по мustrъ, котоы оплачиваются на жаданя.

Выроба сукон HEZINA A SPOL Humpolec

Новѣрный лиферант Церковного Товариства про Рес. Чсл.

БОЖЪ ГРОБЫ, СТАТУЪ

ВЫРОБЛЕНИЕ ИСК. СНОЕ ПОДПРЕМСТВО

REHNA A CHARVÁT

— KUTNÁ HORA 515. ČECHY.

ГАРМОНИИ


к упражненю в спѣву.

•ПЯНА и ПЯНИНА.

Первоначальне выробы тих сти въ извнчаня Д ставле о 7:00 гармоний и
пян и 287 орган. в. Въ однѣ услоїя
для плачения також и наір. т. И у-
строаніе пяниники бывшатно най-
большиа ческа фабрики того фаху.

Заснована року 1869.

JAN TUČEK, KUTNÁ HORA, ČECHY.



JOSEF NEŠKUDLA

NOVÝ HRADEC KRÁLOVÉ Čs. R.



Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургіи заставы, иконы од акад. худож-
ников, чаши, олтарнѣ свѣчники, лустры,
кресты, одежи и проч. найдешевше.

— Коло новых обѣданьях скоро задасть поправлю старѣ одежи. —

В КНИГОПЕЧАТНЯ „УНІО“

МОЖ ПОЛУЧИТИ СЛѢДУЮЧЬ КНИГИ:

	Кч
1. Азбука Волошинова	7.—
2. Читанка „ II. кл.	6·50
3. Арифметика Волошинова I—II. кл. 2 кор., III. кл. 2 кор. IV. кл.	2·60
4. Методическая грамматика Волошина	5.—
5. Географія М. Григашія по русски и по мадярски	5.—
6. Малый катехизм	1·20
7. Средний „	3.—
8. Великий „	5.—
9. Мала біблія	3.—
10. Середна біблія	10.—
11. Наша правда в вѣрѣ от д-ра Ю. Гаджеги...	2.—
12. Прочто праздновати недѣлю а не субботу от д-ра Ю. Гаджеги	3.—
13. Біблейские вопросы с точки зрењія восточных церквей	3.—
14. Вѣнец, стихотв. Павловича	18·60
15. Великий Зборник } ...	40.—
16. Середний „ } и с латиникою ...	24.—
17. Малый „ } ...	15.—
18. Ангел Господен } ...	6.—
19. Марія Повчанскій Паломник...	16.—
20. Пѣсемник, от директора промысловыхъ школ Ф. И. Шпалы	12.—
21. Рисованіе для дѣтей с русским текстом ...	6.—
22. Рисованіе для дѣтей съ чешским текстом ...	4.—
23. Рисованіе геометричное	15.—
24. Ручна праця в школѣ с чешским или мадярским текстом	16·50

В том состоянїи есме, что всѣм заказующим через
48 годин можемъ почтовно провадити.

Заложуйте свои вкладки до Централъ або філіялік
ПОДКАРПАТСКОГО БАНКА.

СТАН ВКЛАДОК ПОВЫСШЕ: КЧ. 10,000,000.

В всяких фінансових и господарских дѣлах доста-
вить Вам скору, точну и безплатну пораду :-:

ПОДКАРПАТСКІЙ БАНК В УЖГОРОДЪ.

Своими заощадненными гелерами при доброму опро-
центованю капитала подпирайте свой народный
ПОДКАРПАТСКІЙ БАНК В УЖГОРОДЪ.

Истинно народна, руська и славянска інституція есть
ПОДКАРПАТСКІЙ БАНК В УЖГОРОДЪ.

Свой до свого!

Пересылки долларов до Америки з дозволом
Банковного Уряду выконуе :-:-:-

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Европы и Америки выконуе найвыгоднѣйше :-:
ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000,
500, 5.—) переводить :-:-:-

ПОДКАРПАТСКІЙ БАНК В УЖГОРОДЪ
в Банковном Урядѣ Министерства Финансов.

Америцькѣ десеквестрації, исекураціи и компен-
зациі за померших в Америцѣ переводить :-:
ПОДКАРПАТСКІЙ БАНК В УЖГОРОДЪ.

За вкладки (льокациі) платить

ПОДКАРПАТСКІЙ БАНК

:-:- 5%—6%. :-:-

Путешественна канцеларія продажа желѣзнодо-
рожных карточок на цѣлу територію
Республики и до всѣх сторон свѣта має
ПОДКАРПАТСКІЙ БАНК В УЖГОРОДЪ